



UNIVERSITÄTS-
BIBLIOTHEK
PADERBORN

Universitätsbibliothek Paderborn

Das new Testament recht grüntlich teutsch

Luther, Martin
Straßburg, 1524

VD16 B 4346

Das. VII. Capitel.

urn:nbn:de:hbz:466:1-34848

Die ander Epistel

Apofiel beleydigt hatten. Nun tröf er sy vnd spricht / sein hertz vnd mund sey frölich vnd außbreze darumb sollen sy sich nicht engsten noch hermen / als sey er über sy vnüftig / das sy sich aber drob hermen sey an im kein vsach / sonder als frem kinder / hermen sy sich auß gütem hertzen da es auch nicht nott ist / wölchs nicht thün die knechtisch art haben / vnd des ewigen lons nicht warren / des die kinder sicher sind / darumb sy vsach zu freuwen haben.

Ziehet nicht am fremdden joch mit den vngleubigen. Den was hat die gerechtigkeit für genieß mit der vngerechtigkeit : was hat dz liecht für gemeinschafft mit der finsternis : wie stimpf Chustus mit Belial : oder waz für ein teil hat der glaubig mit dem vnglaubigē : was hatt der tempel gottes für ein gleiche mit den gözen : Ir aber seyt der tempel des lebendigen gottes / wie den gott spricht / Ich wil in inen wonen / vnd in in wandelen / vnd wil irer gott sein / vnd sy sollen mein volck sein. Darumb / geet auß mit ten von in / vnd sündert euch ab / spricht der her : vnd rüret kein vnreynes an / so wil ich euch annemen / vnd euwer vatter sein / vnd jr solt meine sün vnd töchter sein / spricht der almechtig herr.

Das VII. Capitel.

Die weil wir nun solche verheißung haben / mein liesten / so laßt vns von aller besleckung des fleischs vnd des geists vns reinigen / vnd fort faren mit der heyligung in der forcht gottes / Fasset vns / wir haben niemant leyd than wir haben niemant geteuscht / wir haben niemant verfortheylet / nicht sag ich solchs euch züerdammen. Denn ich hab droben züor gesagt / das jr in vnserm hertzen seyt / mit züsterben vnd mit züleben. Ich bin seer frey dig gegen euch / ich rüme vil vō euch / ich bin erfüllet mit trost / ich bin über schwēcklich in freuden / in allem vnserm trübsal. Den da wir in Macedonia kamen / hat vnser fleisch kein rüw / sonder allenthalben warē wir in trübsal vfwendig streit / inwendig forcht. Aber gott der die geringen tröstet / der tröstet vns durch die zukunfft Titi.

Nicht allein aber durch seine zukunfft / sonder auch durch den trost / da mit er getröstet war an euch / vñ verkündigt vns euwer verlangen / euwer weynen / euwer eyffer vmb mich / also das ich mich noch mer freuwerete. Denn dz ich euch durch den brieff hab traurig gemacht / reuwet mich nicht vnd ob mychs reuwerete / So ich aber sehe / das der brieff villeycht auch ein stund lang / euch betrübt hat / so freuwe ich mich doch nun / mit dauon das jr seyt betrübt worden / sonder das jr betrübt seyt worden zur reuwe. Den jr seyt götlich betrübt worden / dz jr von vns ja keinen schade irgent innen nemet / Den die götliche traurigkeit wirckt zur seligkeit ein reuwe / die nyemant gerüwet / Die traurigkeit aber der welt wirckt den todt.

Sihe / das jr götlich seyt betrübt worden / welchen sleyß hats in euch ge wirckt / darzü verantwörung / vnwillen / forcht / verlangen / eyffer / rach / Ir habt euch beweyset in allen stücken / das jr reyn seyt an der thatt. Darumb ob ich euch geschubē hab / so ist doch nicht geschehen / vmb des willē / der be

der beleydiget hatt / auch nicht vmb des willen der beleydiget ist / sonder vmb des willen / das vnser fleysch offenbar würde bey euch / den wir haben über euch / vor gott.

Der halben sind wir getröstet worden / dz jr getröstet seyt / überschwäcklicher aber haben wir vns nach mer gestreuwet / über die freud Titi / Denn sein geist ist erquicket an euch allen . Denn was ich vor jm von euch gert / met hab bin ich nicht zü schanden worden / sonder gleych wie alles war ist das ich zü euch geredt hab / also ist auch vnser rüm vor Tito war worden / vnd er ist über auß hertzlich wol an euch / wen er gedencet an euwer aller gehorsam / wie jr in mit sorch vnd zittern habt auffgenommen . Ich streuw mich das ich vnder euch in allen stucken darff kün seyn.

Das VIII. Capitel.

Ich thün euch kundt liben brüder die gnad gottes / die in den gemeinen zü Macedonia geben ist / Denn jr freude war da am überschwencklichsten da sy durch vil trübsal bewert wurden / vnd jr armüt / obs wol tieff ist / hatt sichs doch überschwenckt als ein reichthum / in aller einfeltigkeit / Den nach allem vermügen (das zeug ich) vnd über vermügen waren sy selber willig vnd fleheten vns / mitt vil ermanen / das wir auffnehmen die wolthat vnd gemeynschafft der hand treychung / die da geschicht den heyligen / vnd nicht wie wir hofften / sonder ergabert sich selbs zü erst dem herzen / vnd darnach vns / durch den willen gottes / das wir müsten / Titon ermanen / auff das er / wie er zü vor hat angefangen / also auch vnder euch solche wolthat vfrichtet.

Aber gleych wie jr in allen stucken reich seit / im glauben vnd im wort / vnd in der erkentnis / vnd in allerley fleysch / vnd in euwer liebe zü vns / also schafft / das jr auch in diser wolthat reich seyt . Nicht sag ich / dz ich etwas gebiete / sond die weil andere so fleysig sind / versüch ich auch euwer lieb / ob sy rechter art sey . Den jr wisset die gnad vnser herzen Jesu Christi / dz ob er wol reich ist / ward er doch arm vmb euwer willen / vff das jr durch sein armüt reich würdet.

Vnd mein volmein hierinnen geb ich / den solchs ist euch nützlich / die jr angefangen habt vor dem jar her / nicht allein dz thün / sondern auch dz wollen . Nün aber volbringet auch das thün / vff das / gleych wie da ist ein geneiget gemüt zü wollen / so sy auch da ein geneiget gemüt zü thün / vonn dem das jr habt . Den so der geneigt müt da ist / so ist einer angenehm nach dem er hatt / nicht / nach dem er nicht hat.

* C (angefangen) Ir seyt die ersten gewesen / die es wolten vnd auch thatten.

Nit geschicht das der meynung / das die andern rüw haben / vnd jr trübsal / sonder das es gleych sey / so diene euwer überflus / irem mangel dise tewere zeit lang / vff das auch jrer überschwanck hernach diene euwer mangel / vnd geschehe das gleych ist wie geschriben steet / Der vil samlet / hatt nicht überflus / vnd der wenig samlet / hatt nicht sel. Exod. 10.